



Inatsisartunut ilaasortaq Naja Nathanielsen, Inuit Ataqtigiit
c/o Inatsisartut Allattoqarfiat
/maani

§ 37 naapertorlugu apeqqummut akissut

03-04-2014
Sags nr. 2014-098106
Dok. nr.

Ulloq 19. marts 2014 –imi Naalakkersuisunut imatut apeqquteqarsimavutit:

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl
I

1. Naalakkersuisut siulittaasuut isumaqataava sammisat pingaarutillit pillugit politikikkut patajaassusermik pilersitsisunik amerlasuut peqataatillugit isumaqatigiissusiortoqartarnissaa Naalakkersuisut naggaterpiaatigut akisussaaffigimmassuk?
2. Naalakkersuisut isumaqataappat illuatungiliuttut Naalakkersuisunik ataatsimeeqatiserinninnissamik piumasaqarsinnaatitaanatillu isumaqatigiissusiortoqartarnissaa piumasarisinnaaneq ajormassuk?
3. Naalakkersuisut isumaqataappat immikkoortut ataasiakkaat pillugit politikikkut isumaqatigiinnginneq ima isumaqartariaqanngimmat immikkoortut sinneri tamaasa isumaqatigiinngissutinngitsoorsinnaassanagit? Angerlugu akissuteqartoqassappat: illuatungiliuttunik suleqateqarnerunissamut isumaannillu naalaarnerunissamut Naalakkersuisut piareersimappat?

1. Naalakkersuisut nuna aquttussaavaat. Tamanna inatsisunik tunngaveqarluni pissappat, Naalakkersuisut inatsisunut inatsisissatullu siunnersuutinut amerlanerussuteqarnissaaq pisariaqartoq qulakkeertussaavaat. Tamanna amerlanerpassuartigut pissusissamisoortumik kinguneqakkajuttarpoq, Naalakkersuisut sammisanut pingaarutilinnut tunngatillugu isumaqatigiissuteqarnissaaq anguniarlugu iliuseqartarnerisigut. Taamatuttaaq Nunatta soqutigisaraa, sammisanut arlalinnut tunngatillugu kiisalu Inatsisartut Naalakkersuisullu katitigaanerit apeqqutaatinnagu inatsisit avaqqukkuminaatsut qulakkeerneqarnissaaq anguniarlugu siamasissumik isumaqatigiissuteqartoqarnissaa. Paarlattuanilli imaanngilaq, sammisani aalajangersimasuni siamasissumik isumaqatigiittoqarsinnaanngippat, Naalakkersuisut akisussaasuussasut. Tamatumani illuatungeriit akornanni isumaqatiginninniarnissamut piumassuseqarneq apeqqutaavoq.

2. Pissaaneq pingasunngorluni avinneqarsimavoq, tamannalu taakkunanit tamanit ataqqineqarpoq. Inatsisartuni sulinermit atatillugu Inatsisartut Naalakkersuisunut ilaasortanik apersuillutik isumasioqatigiinnissaaq siunertarlugu qaaqquisinnaapput

Naalakkersuisunullu apeqquteqarlutik, soorluttaaq aamma Inatsisartuni ilaasortat Naalakkersuisuni ilaasortanut Inatsisartut ataatsimittarfianni apeqqarissaarnissaminnut periarfissaqartut. Kisianni Inatsisartuni ilaasortat isumaqatigininniarnissamik kissaateqarnerlutik nammineqqissaq aalajangersinnaavaat. Taamaasillutik Naalakkersuisut apeqquteqartoq isumaqatiginngilaat.

3. Naalakkersuisut pingaarnertut sammisanut pineqartunut tunngatillugu illuatungiliuttut isumaat, Inatsisartuni partiit allat isumaattulli, tusaaniartuaannarpaat. Sammisallu tamarmik immikkut ittumik suliarineqartarput, taamaattumillu sammisami ataatsimi isumaqatigiinneq sammisami allami isumaqatigiinnginneqartillugu taamaattussaannartut isigineqarneq ajorpoq – taamatullu sukkulluunniit inatsisartoqarnermi piumasaqaatit taama ittut tunngavigalugit sulivugut.

Inussiarnersumik inuulluaqqusillunga

Aleqa Hammond